

**BOSNA I HERCEGOVINA**  
**FEDERACIJA BOSNE I HERCEGOVINE**  
Tuzlanski kanton  
**GRAD TUZLA**  
**GRADSKO VIJEĆE**

# **S T E N O G R A M**

**S 2. VANREDNE SJEDNICE GRADSKOG VIJEĆA TUZLA ODRŽANE 10.  
NOVEMBRA 2017. GODINE U MALOJ SALI BOSANSKOG KULTURNOG CENTRA  
S POČETKOM U 9,30 SATI**

**-SJEDNICI PRISUSTVUJE 29 VIJEĆNIKA**

**U Tuzli, novembar 2017. godine**

## **ALEKSANDAR VUJADINOVIĆ - predsjedavajući Gradskog vijeća Tuzla**

Poštovani vijećnici Gradskog vijeća Tuzla, poštovani Gradonačelnice Grada Tuzla i predstavnici gradskih službi, predstavnici udruženja kupaca stambeno-poslovnog objekta 15. maj, predstavnici sredstava javnog informisanja, dragi gosti, drugarice i drugovi, dame i gospodo.

Otvaram drugu vanrednu sjednicu Gradskog vijeća Tuzla. Konstatujem da prema evidenciji Stručne službe Gradskog vijeća sjednici prisustvuje 29 od ukupnog broja vijećnika 31, što je dovoljno za punovažan rad i oslučivanje, a u skladu sa članom 62. i 65. Poslovnika Gradskog vijeća Tuzla.

Za današnju sjednicu, svoj izostanak su najavili slijedeći vijećnici, Edim Kadić i Kenan Osmančević, te predlažem da im opravdamo odsustvo.

Današnju vanrednu sjednicu Gradskog vijeća Tuzla sam zakazao u skladu sa članom 60. Poslovnika Gradskog vijeća Tuzla, prečišćeni tekst, Službeni glasnik Grada Tuzla, broj 9/17.

Podsjećam vijećnike da je članom 60. stav 5. Poslovnika, propisano da predsjedavajući može dnevni red za vanrednu sjednicu predložiti na samoj sjednici.

Prije nego što predložim dnevni red, obavještavam vijećnike da je Kolegij Gradskog vijeća Tuzla, održao vanrednu sjednicu, neposredno pred početak ove vanredne sjednice Gradskog vijeća Tuzla, na kojoj je usaglašen dnevni red 2. vanredne sjednice Gradskog vijeća Tuzla, te stoga za današnju, drugu vanrednu sjednicu Gradskog vijeća Tuzla predlažem slijedeći:

### **DNEVNI RED**

#### **1. RAZMATRANJE I USVAJANJE ODLUKE O OBEZBJEĐENJU USLOVA ZA PRIKLJUČENJE STAMBENO-POSLOVNOG OBJEKTA 15. MAJ U TUZLI, NA CENTRALNO GRIJANJE, VODU, KANALIZACIJU, HIDRANTSKU MREŽU I ELEKTRIČNU ENERGIJU**

Pitam vijećnike da li ima prijedloga za izmjene i dopune dnevnog reda? (Nema.) Ukoliko nema, onda pitam prisutne vijećnike ko je za predloženi dnevni red, molim da digne ruku? (29) Ima li neko protiv? (Nema.) Ima li suzdržanih? (Nema.)

Konstatujem da je 29 vijećnika glasalo za, nema niko protiv, nema niko suzdržan, te je jednoglasno usvojen slijedeći:

### **DNEVNI RED**

#### **1. ODLUKA O OBEZBJEĐENJU USLOVA ZA PRIKLJUČENJE STAMBENO-POSLOVNOG OBJEKTA 15. MAJ U TUZLI, NA CENTRALNO GRIJANJE, VODU, KANALIZACIJU, HIDRANTSKU MREŽU I ELEKTRIČNU ENERGIJU**

Prelazimo na realizaciju usvojenog Dnevnog reda današnje druge vanredne sjednice Gradskog vijeća Tuzla i kao što ste čuli kao tačku jedan:

#### **ODLUKA O OBEZBJEĐENJU USLOVA ZA PRIKLJUČENJE STAMBENO-POSLOVNOG OBJEKTA 15. MAJ U TUZLI, NA CENTRALNO GRIJANJE, VODU, KANALIZACIJU, HIDRANTSKU MREŽU I ELEKTRIČNU ENERGIJU**

Obavještavam vijećnike da je predlagač Kolegij Gradskog vijeća Tuzla, a materijal su razmatrali Komisija za statutarna pitanja i propise, Komisija za ekonomske odnose i klubovi vijećnika.

Pitam prisutne da li ima potrebe, da u skladu sa članom 68. Poslovnika Gradskog vijeća Tuzla, predlagač da uvodno izlaganje? (Nema.) Ukoliko nema, pitam ima li potrebe da se pročitaju izvještaji komisija? (Nema.)

Napominjem da su i Komisija za statutarna pitanja i propise i Komisija za ekonomske odnose prihvatile navedenu odluku i istu uputila Gradskom vijeću Tuzla na razmatranje i usvajanje.

Komisije su održane neposredno znači prije početka ove sjednice.

Ovim otvaram raspravu klubova vijećnika. Da li se neko javlja za riječ? Ne.

Onda zatvaram raspravu klubova vijećnika. Otvaram znači raspravu vijećnika. Ukoliko se niko od vijećnika ne javlja znači za riječ, zaključujem raspravu vijećnika.

I zamolit ću. Stavljam na izjašnjenje ovu odluku. Prije nego što se izjasnimo o njenom usvajanju, zamolit ćemo sekretara Gradskog vijeća Tuzla gospođu Krajinu, Slađanu Krajinu da nam pročita prijedlog ove odluke o kojoj ćemo se nakon toga izjasniti.

### **SLAĐANA KRAJINA – ispred Stručne službe Gradskog vijeća Tuzla**

Pozdravljam sve prisutne. Na osnovu člana 13. Zakona o principima lokalne samouprave u Federaciji Bosne i Hercegovine. Službene novine Federacije Bosne i Hercegovine broj 49/06. i člana 6. Statutarne odluke o organizaciji Grada Tuzla u skladu sa Zakonom o Gradu Tuzla Službeni glasnik Grada Tuzla broj 1/14., 3/15., 7/15. i 12/15. Gradsko vijeće Tuzla na sjednici održanoj 10. novembra 2017. godine, donosi odluku o obezbjeđenju uslova za priključenje stambeno-poslovnog objekta 15. maj u Tuzli, na centralno grijanje, vodu, kanalizaciju, hidrantsku mrežu i električnu energiju.

Član 1. Gradsko vijeće Tuzla obavezuje Centralno grijanje d.d. Tuzla i Javno komunalno preduzeće Vodovod i kanalizacija Tuzla da odmah preduzmu potrebne radnje i u najkraćem roku urade sve što je neophodno da stambeno-poslovni objekat 15. maj u Tuzli bude priključen na centralno grijanje, vodu, kanalizaciju i hidrantsku mrežu, kako bi bili ispunjeni uslovi za dobijanje upotrebne dozvole.

Član 2. Grad Tuzla će u skladu sa zakonskim mogućnostima i raspoloživim finansijskim sredstvima, u saradnji sa Elektroprivredom Bosne i Hercegovine, Podružnica Elektrodistribucija Tuzla, blagovremeno obezbijediti priključak stambeno-poslovnog objekta 15. maj u Tuzli, na električnu energiju kako bi bili ispunjeni uslovi za dobijanje upotrebne dozvole.

Član 3. Odluka stupa na snagu danom objavljivanja u Službenom glasniku Grada Tuzla.

U potpisu predsjedavajući Gradskog vijeća Tuzla.

### **ALEKSANDAR VUJADINOVIĆ**

Hvala. Onda možemo staviti na izjašnjenje ODLUKU O OBEZBJEĐENJU USLOVA ZA PRIKLJUČENJE STAMBENO-POSLOVNOG OBJEKTA 15. MAJ U TUZLI, NA CENTRALNO GRIJANJE, VODU, KANALIZACIJU, HIDRANTSKU MREŽU I ELEKTRIČNU ENERGIJU.

Pitam vijećnike ko je za usvajanje ove odluke, molim da digne ruku? (29) Ima li neko protiv? (Nema.) Ima li suzdržanih? (Nema.)

Konstatujem da je Odluka o obezbjeđenju uslova za priključenje stambeno-poslovnog objekta 15. maj u Tuzli, na centralno grijanje, vodu, kanalizaciju, hidrantsku mrežu i električnu energiju, prihvaćena jednoglasno, 29 vijećnika je glasalo za, nema niko protiv, nema niko suzdržan.

S obzirom da je ova Odluka usvojena na način kako ste to već vidjeli, znači jednoglasno, zaključujem drugu vanrednu sjednicu Gradskog vijeća Tuzla u 11,03 sati.

**STENOGRAM SAČINILA**

**Senada Karabegović**

**P R E D S J E D A V A J U Ć I**

**dr.med.sci. Aleksandar Vujadinović s.r.**